



羣芳譜

六



閏冬十月  
十一月  
十二月

歲譜



031  
6

二如亭群芳譜元部目錄

第七冊

歲譜四

冬

十月

十一月

十二月

閏

門二加  
號120  
卷6

二如亭群芳譜元部目錄

第七冊

歲譜四

冬

十月

十一月

十二月

閏



三日太史謁之天子曰某日立冬盛德在水  
 乃齋立冬之日天子親率三公九卿諸侯大  
 夫以迎冬於北郊北方曰玄天其星女虛危  
 室西北方曰幽天其星壁奎婁其帝顓頊乘  
 坎執權而治冬其佐玄冥其神辰星其獸玄  
 武其音羽其日壬癸其數六其色黑其味鹹  
 其臭腐其色黑其祀行祭先腎日行北陸斗  
 柄指北是故冬三月以壬癸之日發五政五

玄冥水官  
少暉之子  
曰修曰熙  
相代任職

政苟時冬事不過地乃不泄

○調攝

冬三月天地閉藏水冰地圻宜節嗜慾  
止聲色早臥晚起以待日光去寒就溫  
毋泄皮膚逆之傷腎春為痿厥腎病宜食粟  
米大豆胡桃藿腎燥食辛以潤之蓋冬時代  
陽在內有疾宜吐心膈多熱所忌發汗恐泄  
陽氣宜服酒浸補藥或山藥酒一二杯以迎  
陽氣寢臥之時稍宜虛歇宜稍寒大寒方加  
綿衣以漸加厚不得頓多惟無寒即已不得  
頻用大火烘灸尤甚損人手足應心不可以  
火灸手引火入心使人煩燥不可就火烘灸  
食物冷藥不治熱極熱藥不治冷極水就溫  
火就燥耳飲食之味宜減鹹增苦以養心氣  
冬月腎水味鹹恐水尅火心受病宜養心宜  
居處密室溫暖衣衾調飲食適寒溫不可冒

觸寒風老人尤甚恐寒邪感冒多為嗽逆麻痺昏眩等疾冬月陽氣在內陰氣在外老人多有上熱下冷之患不宜沐浴陽氣內蘊之時若加湯火所逼必出大汗高年骨肉踈薄易于感動多生外疾不可早出以犯霜威早起服醇酒一杯以禦寒晚服消痰涼膈之藥以平和心氣不令熱氣上湧切忌房事不可多食火燂肉麵餽飽之類 冬三月宜煖足凍腦則無眩暈之疾温養神氣無令邪氣外至 君子齋戒處必檢身身欲寧去聲色禁嗜慾安形性事欲靜以待陰陽之所定 **月令** 腎藏志名玄冥字育嬰腎者根也如樹之有根也生對臍附着腰脊兩枚重一斤一兩神如玄鹿兩頭象如圓石子色如縞映紫脉出湧泉左為正腎配五臟右為命門男以藏精女以繫胞職分水氣灌注一身經于上焦足中心

榮于中焦衛于下焦為肝之母肺之子屬水冬旺卦坎其液唾其性智著於內者為骨見于外者為齒應北岳上通辰星之精

○占候 水冬不冰為饑為兵有災疫地不凍其鄉人流亡

○典故 楚莊王鬪蕭申公巫臣曰師人多寒王雨雪楚莊王披裘當戶曰我猶寒彼百姓賓客甚矣乃使巡國中求百姓賓客之無居宿絕糧者賑之國人大悅 **景公起大臺** 歲寒役者凍餒公延晏子坐飲酒樂晏子歌曰庶民之凍我若之何奉上靡弊我若之何歌終喟然流涕公止之曰子殆為大臺之役夫寡人將罷 齊景公時雪三日公衣狐白之裘謂晏子曰天不寒何也晏子曰賢君飽

知人饑温知人寒公曰善遂出衣發粟以與  
 饑貧者 衛靈公天寒鑿池苑春日天寒恐  
 傷民公曰寒哉春日君衣狐裘坐熊席四陣  
 有火是以不寒民衣敝不補履決不直君則  
 不寒民則寒矣公曰善命罷役 **晉氏春秋**  
 高祖聞韓王信降匈奴上自將擊之連戰乘  
 勝逐北至樓煩會天寒士卒墮指者十二三  
 冬為歲餘故冬月可就問學漢書東方朔  
 云三冬文史足 東漢鍾離意為大司徒侯  
 霸掾詔意部送徒詣河內時冬寒徒病不能  
 行路過弘農意輒移屬縣使作徒衣縣不得  
 已與之上書言狀意亦具以聞光武得奏引  
 見霸曰君所使掾何乃仁于用心誠良吏也  
 盛吉為廷尉每至冬月罪囚當斷其妻執  
 燭吉持丹筆相向垂泣又漢虞詡祖父經為  
 郡縣獄吏按法平恕冬月上其狀流涕隨之

杜翹寺  
 二音

嘗曰東海于公高為里門其子定國卒至丞  
 相吾決囚六十年矣雖不及于公其庶幾乎  
 子孫何必不為九卿耶故字詡曰升卿後詡  
 任至尚書令 **會稽典錄** 王祥字休徵晉瑯  
 琊人少失母後母朱氏憎而譖之祥孝彌謹  
 盛寒河水欲食生魚祥解褐扣冰求之忽  
 冰少開有雙鯉出游垂絲獲之時人謂至孝  
 所感也 **孝子錄** 葛仙翁與客談論時天大  
 寒仙翁謂客曰居貧不得人人爐火請作一  
 大火共致暖者仙翁因吐氣火赫然從口中  
 出須臾火滿屋客皆熱脫衣 東漢藥菘冬  
 月嘗直宿公家貧無被枕杜明帝聞而嘉之  
 詔大官賜尚書郎以下食并給帷被 董遇  
 好學人來從學每曰當先讀書百遍義自見  
 從學者云苦難得暇日遇曰當于三餘冬歲  
 之餘夜日之餘陰雨時之餘 **魏志** 邴原就

杜祖儿也

羊去夕

卷四歲譜

四

師學每三冬講孝經論語 天寶間有一研  
 爐曲盡其巧寒冬置研爐上不凍 袁天罡  
 女授張無頗煖金盒寒時出此一室暄熱  
 顏斐為京兆尹課民當輪租時以車牛各致  
 薪兩束為冬月寒冰灸筆硯之用 **魏略** 劉  
 長盛母王氏冬月思董長盛時年九歲乃于  
 澤中慟哭聲不絕者半日忽若有人云止聲  
 長盛收淚視地有董生焉因得斛餘以供母  
**晉書** 羅威字德行少喪父事母至孝母年  
 七十天大寒嘗以身自温席而後寢 **孝子傳**  
 吳隱之為守冬月無被嘗澣衣乃披絮勤  
 苦同于貧庶 **晉書** 東漢黃香事親極孝身  
 執勤苦冬月無袴而親極滋味 唐高宗時  
 凡天子享會冬幸新豐歷白鹿觀上驪山賜  
 浴湯池給香粉蘭澤帝賦詩學士屬和 **詩**  
**傳** 唐同昌公主堂中設却寒簾類玳瑁斑

龜音均

有紫色云却寒鳥骨所為 **杜陽雜編** 李輔  
 國遇嚴寒置鳳首木于堂和煦如二三月又 水高一尺  
 刻如鳳形  
 別名常春木 **述異記** 楊國忠冬月選婢肥  
 大者行列于前令遮風謂之肉障 **開元遺事**  
 邕管溪峒不產絲纈民多以木綿茅花鵝  
 毛為被土人家家養鵝三月至十月挈取軟  
 毛積以禦寒 宋人有善為不龜手之藥者  
 客買其方以說吳王越有難吳王使之將冬  
 與越人水戰大  
 敗越人 **莊子**  
 ○麗藻散語 北風其涼雨雪其雱 我有旨蓄  
 亦以禦冬 冬日烈烈飄風發發  
**詩經** 嘉南周之炎德兮麗桂樹之冬榮 **楚**  
**詞** 勁陰殺節不凋寒木之心 冬為玄英  
**爾雅** 天地不通閉塞而成冬 **月令** 陰居  
 大冬積于空虚不用之地 **董仲舒** 陽氣伏



于下於時為冬 **律歷志** 斗柄指北而天下皆冬 **鶚冠子** 冬之德寒寒不信其地不成

剗地不成剗則凍閉不固 **呂氏春秋** 十一月十二月陽氣潛藏未得用事育噓萬物養

其根荦 **魯恭傳** 今冬大寒過節毒害鳥獸爰及池魚城傍松竹皆為傷絕 **寶武** 凝慘

冰雪寒之化凜冽霜電寒之用柔奘之物遇寒則堅寒之致太虛澄淨黑氣浮空天色黯

然高空之寒氣也氣如散麻本末皆黑川澤之寒氣也太虛清白空明雪映遐邇一色山

谷之寒氣也太虛白昏大明不翳如霧雨氣遐邇肅然北望色玄凝霧夜落此水氣所生

寒之化也太虛微黑白埃昏翳天地一色遠視不分此寒溫凝結雪之將至也地裂水冰

河流乾涸枯澤浮鹹木斂土堅是土勝水水不得自清水所生寒之用也 **運行論注** 使

天下瓦礫悉化而和璞沙石皆變為隋珠如值水旱之歲瓊粒之年璧不可以禦寒珠末可以充 **武** 悲夫冬之為氣亦何憐凜以蕭索 **饑劉晝** 賦 天悠悠其彌高霧鬱鬱而四幕夜

綿邈其難終日晚晚 **歌行** 漢時長安雪一丈而易落 **陸機感時賦** 歌行 牛馬毛寒縮如蜩楚江巫峽水入懷虎豹哀號不堪記秦城老翁荆楚客慣習炎蒸歲絺綌玄冥祝融氣成交手持白羽未敢釋去年白帝雪在山今年白帝雪在地凍埋蛟龍南浦縮寒刮肌膚北風利楚人四時皆麻衣楚天萬里無晶輝三足之鳥足恐斷義和送送將安歸 **杜子美**

**詩五言** 天曙星河淡樓寒鼓角哀 長風入短袖內手如懷水 **李白** 倒身無着處呵手不成溫 **唐詩** 坐間西牀琴凍折兩

三絃 **賈島** 重衾無暖氣挾纊似懷水 **文選**

草帶消寒翠花枝發夜紅 霜威能折綿  
風力欲冰酒 勁氣方凝酒清威正折綿庾

肩吾 巖雲亂山起白日欲還次鮑昭 甲

子西南異冬來只薄寒江雲何夜靜蜀雨幾

時乾行李須相問窮愁豈有寬君聽鴻雁響

恐致稻梁難杜子美 地際朝陽滿天邊宿

霧收風兼殘雪起河帶斷水流北關馳心極

南圖尚旅游登臨思不已何處可消憂千良

史 運速天地閉胡風結飛霜百草死冬月

六龍頽西荒太白出東方彗星揚精光鴛鴦

非越鳥何為皆東翔惟昔鷹將犬今為侯與

王得水成蛟龍爭池奪鳳凰北斗不酌酒南

箕空簸揚 七言 月寒江靜夜沉沉 山中貝

李太白 殘星數點雁橫寒長笛一聲人倚樓 陽

和微弱陰氣竭東海不流綿絮折阮籍 朔

風吹雪透刀瘢飲馬長城窟更寒半夜火來

知有敵一時齊保賀蘭山盧綸 西風送冷

入瓊樓一夜青山盡白頭斜日棹歌寒水上

分明還有晉風流吳郡 紅梨無葉庇花

身黃菊分香委露塵歲晚蒼官纔自保日高

青女尚橫陳王介甫 郡城南下接通津異

服殊音不可親青箬裹歸洞客綠荷包飯

趁墟人鷲毛禦臘縫山罽雞骨占年拜水神

愁向公庭問重譯欲投章甫作文身柳子厚

蒼茫枯磧陰雲滿古來號空晝光短雲擁

三峯嶽色低冰堅九曲河身斷浩瀚霜風刮

天地溫泉火井無生意澤國龍蛇凍不伸南

山瘦柏銷殘翠才調集 山茶未開梅先吐

風動簾旌雪花舞金盤冒冷塑狡獪綉幙圍

春護鸚鵡倩人呵筆畫雙眉脂水凝寒上臉

遲粧罷扶頭重照鏡鳳釵斜壓瑞香枝鄭奎

烟鎖凝塵四壁空青燈欲燼夜溶溶涼  
 聲度竹風如雨碎影搖窓月在松病枕蕭條  
 聞永漏草堂搖落已深冬不堪酒醒凄然地  
 撫景懷人意萬重文衡山 蜡祭喧喧土鼓  
 槎紛紛髦穉擁如波咏幽恍際周王世布令  
 行宜青帝和冰筋迎陽辭碧瓦梅珠散彩耀  
 繁柯春光積漸來茅舍對酒能忘鼓腹歌王  
蓋臣 默坐深閨思有餘霜威漸覺襲衣裾  
 青綾被冷無鴛夢紫塞天寒斷雁書竹葉舞  
 風侵戶響梅花和月上窓虛雙蛾爭似庭前  
 柳臘盡春來忽又詞月往霜林寒欲墜正門  
舒孟淑卿女郎 詞外催人起柰別離如今  
 真個是欲住也留無計欲去也來無計馬  
 上離情衣上淚冬月俱憔悴問江路梅花開  
 也未春到也須頻寄人到  
程正伯 想思也須頻寄

坏培同

○十月招搖指亥日在尾昏危中旦七星中是  
 月也天子始喪命有司曰天氣上騰地氣下  
 降天地不通閉塞而成冬命百官謹蓋藏命  
 有司循行積聚無有不斂坏城郭戒門閭修  
 鍵閉慎管籥固封疆孟冬大飲蒸天子乃祈  
 來年於天宗大割祠于公社及門閭臘先祖  
 五祀勞農以休息之乃命水官漁師收水泉  
 池澤之賦毋或敢侵削衆庶兆民以為天子

天宗日月  
 星辰也臘  
 以田獵所  
 獲之物祀  
 先祖五祀  
 之神也

取怨于下其有若此行罪無赦是月名上冬亦曰暢月

○占候總占

有三卯糴平無則穀貴 十月不寒民多暴死 立冬日先立一

丈竿占影得一尺大瘦大旱大暑大饑二尺赤地千里三尺大旱四尺五尺低田收六尺高低田熟七尺高田收八尺澇九尺大水一丈水入城郭

**家塾事親**

朔日值立

災異值小雪有東風春米賤西風春米貴其日用斗量米若綴在斗來春徒貴甚驗

○調攝

冬三月早臥晚起必待日光無泄大汗勿犯冰凍溫養神氣無令邪氣外至

初八十八日雞鳴時沐浴令人長壽 初十三日宜拔白 是月夜長內熱少食溫軟

之物食訖搖動令消不爾成脚氣其月勿食猪肉發宿疾勿食椒損心傷血脉勿食獐肉動氣勿食猪腎勿食熊肉傷神食霜菜令人面無光 冬七十二日省醜增甘以養心氣

其月宜服寒衣伸足臥則一身俱煖 夜臥宜被蓋覆用煖睡覺睜目轉睛可出心氣永無眼疾 冬三月臥須頭向西有所利益是月枕鐵石令人眼暗 其月不得入房

避陰陽純用事之月夫婦戒容止犯者減壽朔望日各減十年晦日一年上下弦下元各五年庚申甲子本命各一年 初九日牛鬼初降犯者百日中惡初十夜西天王降犯之一

年死二十八日人神在

○種藝

豌豆 油菜 葵菜 冬芥菜 麥  
菠菜 烏菘 萱草 冬白菜

黃芪	移植	五味子	黃精	梅	柑	收採
防風	五加皮	菊	橙	橘	五加皮根	
枸杞	枳殼	山茱萸	芎藭	五加皮	根	
梔子	皂莢	麥門冬	苦參	白荳蔻		
貝母	牛膝	女貞葉	桑葉	決明子		
陳皮	地黃	山藥子	槐實	芙蓉花		
苧根	冬瓜	栝蔓根	澆培	橙橘諸果	包	
蕨根	甘蔗	山芋	畏諸畏寒	花果		
整諸畏寒	花木根上	整頓	墜北牖			
土壅苧麻	壅茴香根	整頓	造牛衣			
窖菜菜芙蓉	蘭菊菖蒲	夾竹桃	虎刺	耘麥		
養蘿	葡萄種	荇蓬菜	泥飾牛馬屋	築墻		

田忌

天火卯 地火丑 糞忌亥 九焦亥 荒蕪寅

典故

是月也命漁師始魚天子親往乃嘗魚先薦寢廟月令孟冬恤孤寡以逮不

足 亥月其暖如春故謂之小春 **初學記**

十月陰雖用事而陰不孤立純陰疑于無陽故謂之陽月 **西京雜記** 孟冬命有司祭司

寒司中司命司人司祿于國西郊農功畢里社置酒食以報田神 下元日九江水帝十

二河源溪谷大神與陽谷神王水府靈官同下人間按定生人罪福 下元日三品解厄

水官主錄百司檢察人間善惡上詣天闕進呈 **俱正一旨要** 十月一日祀井井之精名

觀狀如美女好吹簫呼其名即去井鬼名瓊 **太常記** 孟冬命有司秣稻必齊麩藥必時

湛熾必潔水泉必香陶器必良火齊必得兼用六物酒官監之無有差忒 **周禮** 宋皇國

父為平公築臺妨于農收子罕請俟農工之畢公不許築者歌曰澤中之哲實與我役邑

中之黔實慰我心子罕聞之親執朴以行築

者而扶其不勉者曰君為一臺而不速成何以為役詎者乃止

**左傳**

吳十二年冬十月

濬東塘之楊林江水出火可燃物

**九江國志**

十月朔唐宋是日賜宰臣以下衣錦襖

李太白于便殿對明皇撰詔誥時十月大寒筆凍莫能書字帝勅宮妃十人侍白左右執

牙筆呵之白隨取具書其受聖眷如此

**開元**

**遺事**

楊國忠既遙領劍南每十月帝幸華

清宮五宅車騎皆從家別為隊隊一色俄五

家隊合爛若萬花川谷成錦繡國忠導以劍

南旌節遺鈿墮易瑟瑟璣琲狼籍于道香聞

數十里

**楊貴妃傳**

十月丙申有星犯昴韋

見素言于帝曰祿山將死矣帝曰日月可知

乎見素曰福應在德禍應在刑昴金忌火行

當火位昴之昏乃其時也既死其月亦死其

日明年正月甲寅祿山其殪乎

**唐史**

學士

舊規十月賜錦長襖國初以來賜翠毛錦太宗改賜黃盤鵬錦

**金坡遺事**

十月朔翰林

舊賜對衣紅錦袍淳化二年代以細花盤雕

錦袍下丞相一等

**蘇續志**

峽人十月一日

多以蒸裹為節物荆楚人多食焦糟或作焦

糖故杜詩云蒸裹如千室焦糟萃一梓茲辰

南國重舊

俗自相歡

○麗藻散語

十月穫稻

**詩**

十月

節屆玄靈鍾應

帶枯葉以飄空朔氣浮川映危樓而疊迴胡

風起截耳之凍趙日興曝背之思敬想足下

山岳鍾星辰辰挺秀潛明晦迹隱于朝市之

間縱法化人不混鄉間之下某陋巷孤游穿

墻自活終朝息爨若孔子之為貧竟日停炊

如范生之在職牛衣當被畏見王章犢鼻親

操恐逢犬子雖此慚賤而不羞貧歌玉壺銀

綺服有時此言何述昭明太子箭稍難

傾缸花夜笑疑幽明碎霜斜舞上羅幙燭龍

兩行照飛閣珠帷怨臥不成眠金鳳刺衣着

體寒長眉對月四言日月不留四氣迴周節

閩灣環李賀慶代序萬國同休庶尹

群后奉壽升朝我有五言殊俗還多事方冬

嘉禮式宴百僚張華變所為破柑霜落

瓜嘗稻雪翻匙巫峽寒都薄烏蠻瘴遠隨終

然減灘瀨暫喜息蛟螭杜甫今日孟冬朔

輕烟淡曉瞰北風飄一雁寒氣入千門消息

斷行客關河迷故園浮生元不定俯仰任乾

坤曉寒冬月白城夜海雲收上客攀蘭省

清光迫鳳樓關山一北望河漢迥西流未見

乘槎使迢迢上斗牛俱何景明孟冬寒氣

至北風何慘烈愁多知夜長仰觀衆星沒三

五明月滿四五蟾兔缺客從遠方來遺我書

一札上言長相思下言久離別置書懷袖中

三歲字不滅一心抱區區懼君不識察漢書

喧塵是時息靜坐對重巒冬深柳條落雪

後桂枝殘星明露色盡天白雁行單雲飛乍

想閣冰結遠疑純晚橘隱重屏枯藤帶迴竿

荻陰連水氣山峯七言荷盡已無擎雨蓋菊

染月寒梁簡文帝殘猶有傲霜枝一年

羊

羊

羊

好景君須記正是橙黃橘綠時蘇軾柳家

汀洲孟冬月雲寒水清荻花發一枝持贈朝

天人願比蓬萊殿前雪朱長文小麥青青

水半陂半落不落楊柳枝回風欲送天南雁

恰似春江二月時李空同時候頻過小雪

羊

羊

羊

天江南寒色未全偏楓江尚憶逢人別麥攏

羊

羊

羊

惟應欠雉眠更擬結茅臨水次偶因行樂到

羊

羊

羊

村前隣翁意緒相安慰多說明年是稔年陸

**龜詞** 十月小春梅蕊綻紅爐煖閣新粧遍錦  
**蒙言** 帳美人貪睡暖羞起懶玉壺一夜冰漸  
滿樓上四垂簾不捲天寒山色偏宜遠風  
急雁行吹字斷紅日晚江天雪意雲撩亂

**文忠古調**

**漁家傲**

○十一月招搖指子日在斗昏東壁中且軫中

是月也日短至陰陽爭諸生蕩有司曰土事

毋作慎毋發蓋毋發室屋及起大眾以固爾

閉地氣沮泄是謂發天地之房諸蟄則死民

必疾疫農有不收藏積聚者牛馬畜獸有故

蕩生機振動也

蓋藏也

沮泄散壞宜泄也

房猶室也

佚者取之不詰山林藪澤有能取蔬食田獵

不詰任人取不詰問也

禽獸者野虞教道之有相侵奪者罪之不赦

是月曰玄明天又曰廣寒月

○占候

冬至日數至元旦五十日者民食足若不滿五十日者一日減一升有餘日益

一升最驗

**月內總占**

至前米價長至後必賤落則反貴寒不降五

**四時纂要**

**月雷電博雅** 朔日值冬至主年荒

**得壬**

一

歲凶 古占書以朔日冬至為令辰

主旱二日小旱三日赤旱四日五穀大熟五日小水六日大水七日河決八日海翻九日大熟十日少收十一十二

**冬至**

日中豎八尺表其晷如度



者其歲美人和不則歲惡人惑畧進則水畧進謂長於退則早進一尺則日食退一尺則月食 曆度也

家推朔旦冬至夜半甲子謂之曆元最難得 **俱曆法**

○ **調攝** 冬至日一陽方生省言語宜養元氣勿勞其體其月腎氣正王心肺衰宜助肺

安神補理脾胃無乖其時勿暴温煖切慎東南賊邪之風犯者令人多汗面腫腰脊强痛

四肢不仁 **保生月錄** 其月冬至後五日夫婦當別寢戒容止犯者減壽朔望日各減十

年晦日一年上下弦各五年甲子庚申本命各三年冬至四年二十八日人神在陰切忌

**法天生意** 冬至後庚辛日不可合陰陽大凶 **千金異方** 十一月属子火氣潜伏閉藏

以養其本然之真而為來春發生升動之本此時若恣欲戕賊至春升之際下無根本陽

王音旺

氣輕浮必有温熱之病 **保生心鑒** 冬至陽

氣萌陰陽交精始成萬物氣微在下不可動 **五經通義** 冬至日宜于北壁下厚鋪草

而臥以受元氣 **養生要術** 是日鑽鑿取火可去瘟疫 **簡易良方** 冬至日取水儲之後

七日輒生白物如雲母狀 **仇池筆記** 初十日拔白永不生 **金谷園記** 十六日沐浴吉

**法天生意** 冬至陽氣歸内腹中熱物入胃易消化 **養生集要** 雉肉味酸寒無毒雖野

味之貴食之損多益少十一月食之有補 **食物本草** 兔肉味辛平無毒主補中益氣孟

詵云十一月可食服丹石人相宜性冷故也與姜橘同食令人患心痛 **食物本草**

勿食經霜菜令人面無光澤 **千金方** ○ **種藝** 松 杉 檜 柏 春菜 菠菜 移植

箭幹菜 黃矮菜 苘蒿 蒿苳

檜 臘梅 壅培 石榴 牡丹 椒 瑞香  
芙蓉 木香 竹 芍藥  
麥冬 冬葵子 陳皮 澆海棠  
款冬花 鬼箭 整頓 修茶蘂

收採 芫薺 芫薺 芫薺 芫薺  
芫薺 芫薺 芫薺 芫薺  
芫薺 芫薺 芫薺 芫薺

芫薺 芫薺 芫薺 芫薺  
芫薺 芫薺 芫薺 芫薺  
芫薺 芫薺 芫薺 芫薺

田忌 天火午 地火子 糞忌丑  
九焦申 荒蕪午

○典故 十一月初吳天上帝 十一月建子  
周之正月冬至日極南影長陰陽日月

萬物之始當黃鍾律其管最長故有履長之  
賀 玉燭寶典 冬至日在牽牛景長一丈三

尺夏至日在東井景長五寸 周禮 十一月  
乾之初九日陽氣伏于地下始著為一萬物

萌動鍾于太陰 前律歷志 陽生于子陰生  
于午陽生于子故十一月日冬至鵠始巢人

氣鍾首 淮南子 日冬至則斗北中繩陰氣

極陽氣萌故曰冬至為德 淮南子 冬至成  
天文 二十三日南斗星君奏上生籍之辰 天文謂三

翰墨全書 斗指子為冬至至有三義一者 光運行冬  
陰極之至二者陽氣始至三者日行南至故 至而數訖

謂之至 孝經緯 冬至極低天運近南日去 於是祭而  
人遠斗去人近北天氣至故冰寒極低日行 成之所以

地中深故夜長天去地近故晝短 姚信祈天 報也  
論 冬至日日入峻狼之山 淮南子 子有

兩義冬至前半月屬舊歲後半月屬新歲故  
遁甲未交冬至作陰遁逆行既交冬至作陽

遁順行大抵子位正北有終陰始陽之義其  
神玄武亦兩口龜曰蛇 中菴新論 候氣之

法為室三重戶閉塗壘周密布緹幔室中以  
木為瑄每律各如之內卑外高從其方位加  
律其上以葭葶灰抑其兩端案曆而候之氣

至者灰去律歷志 惟二至乃候後律歷志

武帝元封元年十一月甲子朔旦冬至五

星如連珠漢律歷志 大司樂凡樂靈鼓孔

竹之管雲和之琴瑟雲門之舞冬至日于地

上之圜丘奏之天官書 冬至日則陽乘陰

是以萬物仰而生淮南子 漢武帝時齊人

公孫卿曰今年得寶鼎其冬辛巳朔旦冬至

與黃帝時等卿有札書曰黃帝得寶鼎宛胸

問於鬼史區鬼史區對曰黃帝得寶鼎神策

是歲已酉朔旦冬至得天之紀終而復始於

是黃帝迎日推策後率二十歲復朔旦冬至

凡二十推三百八十年黃帝仙登于天卿因

所忠欲奏之所忠視其書不經謝曰寶鼎事

已決矣尚何以為卿因嬖人奏之上大悅乃

召問卿史記 雜氏掌殺草冬日至而耜之

周禮秋官 祚氏掌攻草木及林麓冬日至

令剝陰木而水之周禮秋官 日冬至而井

水盛盆水溢羊脫毛淮南子 冬至陰氣極

則北至北極下至黃泉故不可以鑿池穿井

淮南子 北斗之神有雌雄十一月始建于

子月從一辰雄左行雌右行淮南子 冬至

陽起君子道長故賀夏至陰起君子道消故

不賀漢書 冬至陽氣始起故寢鍾鼓身欲

寧志欲靜不聽事送迎五日 冬至賀禮古

無有也其始始于漢乎漢雜記 唐人冬至

前一日乃謂除夜所謂冬除也老菴筆記

冬除夜與歲除夜為對蓋閩俗也陳師錫家

享儀 冬至朝廷大會慶賀排當並元正儀

都人最重一陽賀冬車馬填壅于九街詣諸

神廟炷香店肆罷市三日垂簾飲博謂之做

節武林舊事 京師最重冬節更易新衣備

辦飲食享祀先祖官放關撲一如年節夢華

**錄** 冬至之始人主與群臣左右縱樂五日天下之眾亦家家縱樂五日以為近日至之禮也

**易通卦驗**

共工氏有不才子以冬至

日死為疫鬼鬼畏赤小豆故于冬至日作赤豆粥以禳之

一設望日一設冬至

疫也 仙人馬湘在刺史馬植坐上仲冬月以酒杯盛土種瓜子須臾蔓引生實食其味甚美

**列仙傳**

僖公五年辛亥朔日南至公

**左傳**

官者淳必書雲物為備故也

既視朔遂登觀臺以望禮也

**漢書**

官者淳必書雲物為備故也

于陵渠覈太初曆晦朔五星如連珠

**魏晉**

魏太初上元甲子夜半朔朝冬至時七曜皆會牽牛

**魏晉**

冬至日受

日日月如連璧

**晉魏**

晉魏間宮中以紅線量日影冬至日增

萬國及百僚稱賀因小會其儀亞于歲朝

**唐宮**

唐宮中以女功揆日之長短

冬至後比常日增一線之功

**雜錄**

近古婦

人常以冬至進履襪於舅姑踐長至之義也

**崔浩**

崔稅遷太常高祖詔太常復文

武二舞冬至高祖會朝崇元殿庭設宮縣二

**五代**

舞在北登歌在上王公上壽天子舉爵奏玄

同錫金帛群臣左右觀者皆嗟嘆之

開元二年冬至交趾國進犀一株色黃如

金使者請以金盆置于殿中温温然有暖氣

隋文帝時本國曾進一株直至今日上甚悅

**唐書**

開元十二年十一月戊子有

雄雉飛入泰山齋宮內封禪所以告成功祀

**存心錄**

事無有重於此者而野鳥馴飛不避禁衛不

祥之兆其後安祿山反

建子月十六夜女尼真如忽見二皂衣引至

一所見天帝出寶授真如曰女往令刺史崔

一線歲時記

唐宮中以女功揆日之長短

先進達于天子肅宗寢疾方甚視寶召代宗  
 謂之曰汝自楚王為皇太子今上天賜寶獲  
 于楚天祚汝也宜寶愛之代宗再拜受賜即  
 日以寶應紀節云唐書紀典冬至宰相朝  
 賀華燭至數百炬曰火城宰相至百官滅燭  
 以避之國史補南齊東陽太守王志治郡  
 有惠政郡有重囚十餘冬至日悉遣過節皆  
 返惟一人失期曰此自太守事王者勿憂明  
 日果至吏人益敬服之方輿覽勝建隆三  
 年帝御講武殿親閱六軍其法刻木為箭兩  
 相射勝者遷隸之通考東坡在玉堂十一  
 月朔苦寒詔賜官燭法酒坡詩光分王燭星  
 辰亂拜賜官壺雨露香梁席闡出為東陽  
 守在郡有能各冬至悉放獄中囚依期而至  
 ○麗藻散語歲十一月徒枉成孟子一之日  
感發詩冬至則八風之序立萬

輿音郁  
醜音絨

物之性成魏相傳日短星昴以正仲冬厥  
 民輿鳥獸醜毛書易復卦反復其道七日于刻也星  
 來復天啓日往月來灰移火變暫乖語嘿頓昂西方宿  
 行也隔秦吳既傳蘇李之書更共范張冬至中星  
 之志冷風盛而結鼻寒氣切而凝唇虹入漢也正者子  
 而藏形鶴臨橋而送語彤雲垂四面之葉玉為正陰之  
 雪開六出之花敬想足下世號冰壺時稱武位也輿室  
 庫命長袂而留客施大被以招賢酌醇酒而內也醜奕  
 據切骨之寒温獸炭而祛透心之冷某携戈蠢細毛也  
 日久荷戟年深揮白刃而萬定死生引虹旗疏云陽氣  
 而千決成敗退龍劍而却步月下開營進鯨始于剝盡  
 鼓而橫行雲前起陣徒勞斬斫豈用功勳諸之後至陽  
 不具陳謹伸微意梁昭明懷五更三點之氣來復時  
 鴛行舊同班于吳下驗一寸四分之牛畧今凡經七日  
 假蔭于黔中方圖修獻履之辭已先拜鳴謙然褚氏莊  
 之寵故情未慙弱念易盈恭惟某官禮樂宗氏並云自

英侯王相種決科唐殿肯吟麗日之煌煌宅五月一陰  
 攸相源聊和舞風之濟濟對此重緹之候藹生至十一  
 然五袴之歌魯雲必書翻手隨看于短至趙月一陽主  
 日可愛舉頭即近于長安某比德微芒甘心凡七月今  
 半刺地爐煨芋已漸參南岳之禪山七政易不云七  
 意放梅倘尚憶西湖之飲孝標冬啓表上齊月而云七  
 協幾衡於景至九儀下辨旋圭壁于陽生休日者欲陽  
 氣亟蒙稜容飭備恭惟陛下道原皇極化浹長速故變  
 太和天地之心玩儀爰而來復日月所照觀月言日又  
 周正之徧頒同軌同文時萬時億臣等跡汗日一陽為  
 班聯目睇簾陛南面而朝群臣雖亞歲彝章復二陽為  
 之舊北鄉而壽慈極實熙朝慶典之新播芳臨三陽為  
**大賦** 五行倏而競驚兮四節終而電逝量暑泰  
**全賦** 往而寒來兮十二月而成歲日月會于  
 析木兮重陰悽而增肅在仲冬之祁寒兮迅  
 季旬而逾感彩虹藏于虛廓兮鱗介淒而長

伏若乃天地凜冽庶極氣否嚴霜夜結悲風  
 晝起飛雪山積肅條萬里百川咽而不流兮  
 水凍合于四海扶木樵悴于暘陽和微  
 谷兮肅霜零落于濛汜音傳玄歌行弱陰氣  
 結地凍不流綿絮折呼吸不通寒冽冽阮嗣  
 宗素雪任風流樹木轉枯悴松栢無所  
 憂折楊柳寒衣履薄冰歡詎知儂否宮城  
 團迥凜嚴光白天碎碎墮瓊芳擗鐘高飲千  
 日酒天却凝寒作君壽御溝泉令詩四言  
 如環素火井溫泉在何處李賀  
 受謝青陽啓號氣以五言冬至初日長杜甫  
 升新光以承照王讀長河夜闌干層  
 冰如玉炭鮑照綠水去清夜黃爐搖白烟  
**山谷** 星昴殷仲冬短晷窮南陸柔荔迎時  
 萋芳芸應節馥傅亮北杓指玄朔南景留  
 嚴冬中衢返羲馭淑氣有黃鍾何大復序

吟聲

節嚴冬暮寒雲掩落暉遠聞風瑟瑟亂觀雪  
 霏霏浪起川難渡林深人至稀山禽背徑走  
 野鳥歷塘飛簡文帝 啓度隨天運四時互  
 相乘東壁正昏中涸陰寒節升繁霜當夕冷  
 悲風中夜興朱炎青無光蘭膏坐自凝重衾  
 無暖氣挾纒如懷冰張華 天宮初動啓緹  
 室已飛灰暮風吹竹起陽雲覆戶來折冰開  
 荔色除雪出蘭栽慚無宋玉辭濫吹楚王臺  
蕭愨 連星貫初曆令月臨首歲薦樂行陰  
 政登金贊陽滯收涼降天德萌華宣地惠司  
 瑞紀夜稀書雲掌朝袁淑 荒村建子月  
 獨樹老夫家雪裡江船度風前徑竹斜寒魚  
 依密藻宿鷺起圓沙濁酒禁愁得無錢何處  
杜甫 侯氣窺玄籥清齋席白茅彤雲連  
 北闕春雪近南郊窻迥簷花積風迴苑樹交  
 天心如可見暗點易中爻周孟簡 冬至子

之半天心無改移一陽初動處萬物未生時  
 玄酒味方淡太音聲正稀此言如不信更請  
 問庖羲邵康節 細雨丹陽郭新寒小雪天  
 孤舟繫遙夜亂葉落疎烟一斗吳姬酒三百  
 水衡錢淹留問叢桂高詠小山篇張祥鸞  
 行邁日峭峭山谷勢多端雲門轉絕岸積阻  
 霾天寒寒峽不可度我實衣裳單况當仲冬  
 交沂船增波瀾野人尋烟語行子傍水食此  
 生免荷芟未敢七言 夜久雪猿啼嶽嶺夢回  
杜少陵 清月上梅花惠洪 禽  
 翻竹葉霜初下人立梅花月正高楊誠齋  
 去歲茲晨捧御床五更三點入鴛行何人錯  
 認窮愁日愁日愁添一線長杜少陵 邯鄲  
 驛裡逢冬至抱膝燈前影伴身想得家中夜  
 深坐還應說着遠行人白居易 新陽氣候  
 未全佳尚縱寒威壓歲華賴有椒湯共郊酒

**子華**

年年至日長為

不妨和雪看梅花  
 客忽忽窮愁泥殺人江上形容吾獨老天涯  
 風俗自相親杖藜雪後臨丹壑鳴玉朝來散  
 紫宸心折此時無一寸路迷何處見三秦  
 金華山北涪水西仲冬風日始淒淒山連越  
 嶺蟠三蜀水過巴渝下五溪獨鶴不知何事  
 舞饑鳥似欲向人啼射洪春酒寒仍綠極目  
 傷神誰為携 天時人事日相催冬至陽生  
 春又來刺繡五紋添弱線吹葭六管動飛灰  
 岸容待臘將舒柳山意衝寒欲放梅雲物不  
 殊鄉國異教兒且覆掌中杯 **俱杜少陵** 遠  
 信初憑雙鯉去他鄉正遇一陽生樽前豈解  
 愁家國輦下惟能憶弟兄旅館夜憂姜被薄  
 暮江寒覺晏衰輕竹門風過還惆悵疑似松  
 窓雪打聲 **杜牧之** 奉天門下玉欄橋此日催  
 班早侍朝占史奏雲煙萬國大官傳宴散眉

香苑梅迎律春先動宮柳迎風色欲搖一出  
 忽今驚十載百年勲業有漁樵 **空** 中

宵忽見動葭灰料得南枝有早梅四海便應  
 枯草綠九重先覺凍雲開陰氛莫向河源塞  
 陽氣今從地底回不道慘舒無定分都憂豉  
 響却成雷 **韓偓** 子月風光雪後看新陽一

縷動長安禁鍾乍應雲和曲宮樹先驅黍谷  
 寒臺上書祥傳太史齋居問禮向祠官紛紛  
 雙闕鳴環珮未覺玄 **詞** 薄雪初消銀月端踈  
 開閉獨難 **董玄宰** 踈浮竹影紅蘭梅花

夢事落孤山禁人處霜重鼓聲寒 留取曉  
 來看斑簾低小閣燭花殘一帆明月去蒼灣  
 空相憶雪浪月痕 **翻會實軒小重山**

○十二月招搖指丑日在葵女昏婁中且氏中

去年季冬  
日欠玄枵



種上聲

是月也日窮于次月窮于紀星回于天數將  
 幾終歲且更始令告民出五種命農計耦耕  
 事修耒耜具田器專爾農民毋有所使乃命  
 四監收秩薪柴以供郊廟及百祀之薪燎凡  
 在天下九州之民者無不咸獻其力以共皇

天上帝社稷寢廟山林名川之祀

○月內總占

冰後水長主來年水冰後水退主  
 來年旱若冰堅可渡亦主水  
 柳  
 眼青來年夏秋米賤  
 月內萌類不見六月  
 五穀不實兩春夾一冬十個牛欄九個空一

今窮盡還  
 次玄榜紀  
 會也日月  
 仍會玄榜  
 列宿隨天  
 至此復其  
 故處與去  
 冬早晚相  
 似故曰回  
 于天  
 薪大柴小

云兩春夾一冬  
 無被煖烘烘  
 朔日  
 值小寒主白兔見祥  
 值大寒虎害人  
 二十

四日田夫牧豎候昏時爭立竿燎火于野名  
 日照田蠶看火色占來年水旱白主水紅主  
 旱猛烈主豐衰微主歉東北風吉臘盡火光  
 及燒叭盆爆竹看火色大率與田蠶火同

作粉窩

除日作粉窩十二枚甌中蒸熱驗之  
 第一枚主正月以次挨看如有水則

其月有雨水多則雨多  
 乾則無雨閏月加一枚  
 秤水  
 除夕取長流水  
 秤輕重元日又  
 取水秤之以較  
 聽聲  
 除夜以安靜為吉諺云  
 兩年之高下  
 聽聲  
 除夜犬不吠新年無疫

○調攝  
 十二月去凍就溫勿泄皮膚大汗以助  
 胃氣勿大煖勿犯大雪是月肺臟氣微  
 癘除夜惡犬嗥新年多火盜或因公私  
 作鬧驚動閭里者村中來年必遭橫事

腎臟方旺可減鹹服苦以養其神宜小宜不欲全補是月衆陽息水氣獨行慎邪風勿傷筋骨勿妄針刺以血溢精不行 未一十八日少甘增醖以養腎氣 初一初二日宜沐浴去災 七日宜拔白永不生 初十八二日同 八日沐浴消除罪障 二十八二十九三十日齋戒焚香淨坐謂之存神可通仙靈 大寒冷早出噲真麻油則耐寒 十三日夜半沐浴得神人衛護 十五日沐浴去災 二十三日沐浴吉 勿食經霜菜果減人顏色 月忌夫婦容止犯者減壽上下弦各減五年朔望日各十年晦日一年甲子庚申本命二年初七日夜犯之惡病死二十八日人神在陰切忌 其月勿食蟹蠶蝦蚌鱗蟲之物損人神氣 **俱法入生意** 歲除夜五更抱小兒于獨槽猪窠內滾過生痘稀有驗

**家室事親**

○種藝

蘇麻 苧蒿 山茶 玉梅 壓插  
菠菜 栽桑 移植 海棠 柳 大戟根節

石榴 薔薇 十姊妹 收採

月季 木香 鬼箭 忍冬藤

款冬花 木蘭皮 菖蒲

冬葵子 蒲公英 莖蒲 壅培

桑 苧麻 整頓 墾秧田 燒荒 浴蠶種

竹 芍藥 修杞柳 修桑 乾蒿

伐竹木 磨桑葉 造農具 挑溝塘

砍穀樹 刈茅草 葺圍籬 醉河泥

貯雪水 天火西 地火子 糞忌卵

貯麻油 田忌 九焦已 荒蕪戍

○製用

十二月 月癸丑日造門盜賊不敢近  
二月 月暮于宅或屋四角各埋大石為鎮

主災異驚嚇不起 臘月掛猪耳于堂梁上  
 令人致富 臘八日懸猪脂于厠上則一家  
 無蠅 是月收雄狐膽若有人暴亡未移時  
 者急以温水微研灌入喉中即活常預備救  
 人移時即無及矣 是月取青魚胆陰乾如  
 患喉閉及骨鯁者以少許入口中則愈 收  
 猪脂肪背陰懸掛能治諸般瘡疥敷湯火瘡  
 及六畜瘡疥去蛆蝻熟諸般皮條不爛加倍  
 壯韌 是月上亥日取猪脂肪安瓷罐內埋  
 亥地上一百日治癰疽內加雞子白十四枚  
 水銀二三錢極妙 **以上俱家塾事親** 臘後  
 遇除日收鼠頭燒灰于坎地上埋之永無鼠  
 耗 **鑽碎銀** 自入臘遇上水日勿令人見以  
 少水細洒荐蓆毯褥避狗蚤壁虱 **山居四要**  
 二十四日五更取井花水平旦第一汲者  
 盛淨器中量人口多少浸乳香至歲旦五更

爇冷温從小至大每人以乳香一小塊飲水  
 三吸一年不患時疾 **負喧雜錄** 治頭風痛  
 以臘月川烏炒黃絹袋裝入酒漬温服少許  
 即愈 **法天生意** 八日收鱖魚治小兒癩疹  
 不出燒灰存性研極細用淡酒調  
 服即發懸厠上不生虫 **農桑撮要**  
 ○ **典故** 夏曰嘉平殷曰清祀周曰大蜡漢改曰  
 臘臘者獵也因獵取獸以祭先祖或曰  
 新故交接大祭以報功也 **風俗通** 臘者報  
 諸鬼神及古聖賢有功于民者也 **漢舊儀**  
 臘者祭先祖蜡者報百神同日異祭也 **王燭**  
**寶典** 臘者歲終大祭縱吏民宴飲非但迎  
 氣故但送不迎 **祭書** 蜡則飲函頌擊土鼓  
 以息老物 **周禮** 臘接也俗謂之臘臘明日  
 為初歲秦漢以來有賀 **晉張亮議** 子貢觀  
 于蜡孔子曰賜也樂乎對曰一國之人皆若

祭宜在新  
故交接

狂賜未知其樂也子曰百日之蜡一日之澤非爾所知也禮宋用漢臘蓋冬至後第三戌大墓日也是為臘巳酉年閏八月冬第三戌乃在十一月未太史局舊曆以十一月第三戌為臘識者云古法遇閏歲即以第四戌為臘不可在十一月也叢語臘月八日東京作浴佛會以諸果品煮粥謂之臘八粥吃以增福漢陰子方嘗臘日晨炊竈神形現子方再拜家有黃羊因以祀之自後暴富三世生光烈皇后十二月臘夜令人持椒臥井旁無與人言納椒井中可除瘟病養生要論甄宇北海人建武中以青州從事徵拜博士每臘詔博士羊人一頭羊有大小肥瘦時博士祭酒議欲殺羊分肉宇曰不可又欲投鈎宇復耻之因先自取其最瘦者後上詔問瘦羊博士所在京師因以為號東觀漢記

東漢陳咸字子康為廷尉監至王莽篡位還家杜門不出莽改漢法令及祖臘日咸猶用漢家祖臘人問其故咸曰我先人豈知王氏祖臘乎漢以午日祖戌日臘莽篡漢故改其法范喬有人于臘夕盜斫其樹或告喬喬佯不聞邑人愧而歸之喬曰卿臘日取柴欲與父母相歡娛耳陳留志韓卓有奴于臘月竊食祀其先人卓義其心即免出之後漢書唐貞元十一年臘日畋于苑中止多殺行三驅禮軍士咸感天授二年臘卿相詐稱上苑花開請幸則天許之乃遣使宣詔曰明朝游上苑火急報春知花須連夜發莫待曉風吹於是明晨各花瑞草皆發群臣咸服其異卓異記唐制臘日宣賜口脂面藥及賜宴羣臣景龍三年臘日帝于苑中召近臣賜臘晚自北門入于內殿賜食加口脂

祖道祭也  
昔共工氏  
子修好遠  
游道死故  
祀為祖神

盛以碧鏤牙筒酉陽雜俎唐韓偓于臘日賜銀盒子駐顏膏牙香等繡香囊袋一枚韓偓傳魏制群臣季冬朝賀服袴褶行事謂之小歲通鑑何鳳為建安太守伏臘每放囚還家依期而返梁書王長文元康初為江源令縣收得盜馬及發塚賊長文引見誘慰時適臘晦皆遣歸謂曰教化不厚使汝等如此良吏之過蜡節慶祚肆汝就上下善相歡樂過節來還當為汝思他理群吏惶怖爭請不許後尋有赦無不感恩華陽國志蕭昺為李林甫所引素不知書嘗與嚴挺之言稱蒸嘗伏臘為伏獵挺之白張九齡省中有伏獵侍郎乎唐書高堂隆曰王者各以其行之盛祖以其終臘水始于申盛于子終于辰故水行之君以子祖辰臘火始于寅盛于午終于戌故火行之君以午祖戌臘木始于

亥盛于卯終于未故木行之君以卯祖未臘金始于巳盛于酉終于丑故金行之君以酉祖丑臘土始于未盛于戌終于辰故土行之君以戌祖辰臘魏土德也宜以戌祖辰臘後漢禮儀志天子大蜡八伊耆氏始為蜡蜡也者索也歲十二月合聚萬物而索享之也八蜡者一先嗇神農也二司嗇上古后稷之官三農古田畯四郵表畷表田畔相連綴處為郵亭居田畯以督耕也五貓虎貓食田鼠虎食田豕六防堤也七水庸溝也八昆蟲為位相對向祝曰土反其宅水歸其壑昆蟲勿作豐年若上歲取千百蜡之義自伊耆氏之代而有其禮古之君子便之是報田之祭也其神農初為田事故以報也杜氏通典昔者仲尼與于蜡賓事畢出游于觀之上喟然而嘆仲尼之嘆蓋嘆魯也言偃在側曰君

子何嘆孔子曰大道之行也與三代之英丘  
 未之逮也而有志焉禮運 蜡之明日為小  
 歲賀稱初歲福始馨無不宜徐爰家儀 哀  
 公十有二年冬十有二月蠡季孫問諸仲尼  
 曰丘聞之火伏而後蠶者畢今火猶西流司  
 曆過也左傳 漢光武以建平元年十二月  
 甲子夜生于洛陽縣舍有赤光照室東觀漢  
 記 宋真宗開寶元年十二月初二日生先  
 是乾德六年五星聚奎從鎮星辰見東方占  
 曰有德受慶王者能致天下重福明年真宗  
 生 南詔以十二月十六日為星回節是日  
 登避風臺清平官賦詩太平廣記 魯之母  
 師者魯九子之母也臘日休家作召諸子謂  
 曰婦人之義非有大故不出夫家然吾父母  
 家勿初歲時祀不理吾從汝謁往監之慎房  
 中之守吾夕而反于是天陰還失早至閭外

而止待夕而入魯大夫從臺上見而怪之使  
 人問之對曰妾歸視私家語諸奴孺子逮夕  
 而返妾恐其醜歡醉飽人情公有也妾返早  
 故止閭外穆公聞之賜號母師列女傳 秦  
 始皇時太原真人茅盈曾祖濛于華山乘雲  
 駕龍白日升天先是有邑人謠曰神仙得者  
 茅初成駕龍上升入太清時游玄洲戲赤城  
 繼世而往在我盈帝若從之臘嘉平始皇聞  
 之欣然有尋仙之志因改臘曰嘉平按秦惠  
 王十二年初為臘至始皇三十一年改名嘉  
 平以應邑人謠也一統志 元符三年十二  
 月十九日東坡生日置酒赤壁下酒酣笛聲  
 起岸上使人問之迺進士李委聞坡生日作  
 鶴南飛曲以獻奏曲嘹唳有穿雲裂石之聲  
玉局文 二十四日交年都人至夜備酒果  
 送神燒化錢紙以酒醴塗抹竈門謂之醉司

命夜于床底點燈謂之照虛耗市井皆印賣  
 門神鍾馗桃符回頭祿馬天行帖子以備除  
 夜之用自入此月即有貧者十數人為一夥  
 裝婦人神鬼敲鑼擊鼓巡門乞錢俗呼為打  
 夜胡亦禦崇之遺也夢華錄門神左曰門  
 丞右曰門尉蓋司門之神其義本自桃符以  
 神荼鬱壘辟邪故樹之門子游烏問于雄  
 黃曰今人逐疫出鬼擊鼓呼課何也雄黃曰  
 黔首多疫黃帝立巫咸使黔首鳴鼓振鐸以  
 動心勞形發陰陽之氣擊鼓呼課逐以出鬼  
 黔首不知以為崇魅也事物紀原東海度  
 索山有神荼鬱壘之神以禦凶鬼為民除害  
 因制驅儺之神季冬先臘一日大儺謂之逐  
 疫選侏子十歲至十二者百二十人皆赤幘  
 皂衣執大鼗鼓方相士黃金四目蒙熊皮玄  
 衣朱裳執戈持盾率百隸及童子挑弧棘矢

振震真  
二音

蠅音城

傑音窄

女作汝

且射之以赤丸五穀播灑之持火炬而時儺  
 以逐惡鬼于禁中顓頊氏有三子亡而為疫  
 鬼一居江水中為瘡鬼一居若水為魍魎蠅  
 鬼一居人宮室區隅中善驚小兒為小鬼于  
 是以歲十二月命祀官時儺以索室中而驅  
 疫鬼黃門倡侏子和曰甲作食弼佛胄食虎  
 雄伯食魅騰簡食不祥攬諸食咎伯奇食夢  
 強梁祖明共食磔死寄生委隨食奸錯斷食  
 巨窮奇騰根共食蠱凡使十二神追惡凶赫  
 女驅拉女幹節解女肉抽女肺腸女不急去  
 從者為糧禮樂志命有司大儺旁磔出土  
 牛以送寒氣又漢書十二月立土牛六頭于  
 國都郡縣城外以送大寒月令唐明皇畫  
 寢夢虛耗二鬼怒呼武士俄有大鬼頂帽衣  
 袍捉鬼啖之間其姓字曰鍾南山鍾馗也今  
 人掛其像以除虛耗輦下歲時記爆竹之

羊七

歲日歲譜

三

季春惟國  
 儺仲秋天  
 子之儺此  
 則下及庶  
 人又陰氣  
 極盛故云

夕人家各于門首燃薪滿盆無貧富皆爾謂之相煖熱吳中風俗山臊魍魎犯人則病其謂四方之

鬼畏爆竹聲今人故作火爆神異記李旼

隣家有山魃為厲報謝而妖愈甚旼教之爆

竹數千竿如除夕事崇遂止廣記西方深

山中有人長丈餘人見之則病寒熱名曰山

獠以竹著火中焐焮有聲則山鬼驚遁故今

除夕爆竹神異經除日禁中呈大饗儀並

用皇城新事官諸班直共千餘人自禁中驅

崇出南薰門外謂之埋崇是夜禁中爆竹山

呼聲聞于外士庶之家圍爐團坐至旦不寢

謂之守歲夢華錄歲除日儺皆作鬼神狀

二老人為儺翁儺母秦中歲時記除夜有

司疫使者降人間宜以黃紙硃書天行已過

四字貼門額吉法天生意除夜宜焚辟瘟

丹或蒼朮皂角楓芸諸香以辟邪祛濕宣鬱

氣助陽德即闕室虛堂亦無不到除夕家

家具殺菽以迎新年相聚酣飲留宿歲飯至

新年則棄之街衢以為去故納新聞中風俗

除日以食物送窮想此義也荆楚歲時記

唐貞觀初天下又安時屬除夜太宗盛飾宮

掖明設燈燭盛奏樂歌乃延蕭后觀之后曰

隋主淫侈每除夜殿前諸院設火山數十盞

沉香木根每一山皆焚沉香數車火光暗則

以甲煎沃之燄起數丈香聞數十里一夜之

間用沉香二百餘乘甲煎過二百石太宗口

刺其奢心服其盛歐公詩隋宮守夜沉香火

楚俗驅神爆竹聲紀聞辛寅遜仕偽蜀孟

昶為學士王師致討之前歲除昶令學士寫

桃符寅遜題云新年納餘慶嘉節賀長春乃

朱聖節名也吳越王鏐嘗于除夜命諸子

及諸孫鼓胡琴一再行遽止之曰人將以我



為長夜之飲也九國志除夜祭先竣事長  
 幼聚飲祝頌而散謂之分歲又吳蜀風俗晚  
 歲相與餽問謂之餽歲風土記歲暮家家  
 具餽菽脩宿歲之儲以迎新年風土記吳  
 中風俗除夜村落間以禿帚若蔴蕪竹枝等  
 燃火炬縛于長竿之梢以照田蠶爛然徧野  
 以祈絲穀 梁簡文除夕詩一年夜將盡萬  
 里人未歸自是佳語戴叔倫一年將盡夜萬  
 里未歸人全用簡文句但顛倒兩字而  
 矯健過之不得以文人相襲為病矣

麗藻散語

二之日其同 二之日栗烈詩 啓 分手  
 水冲冲 二之日栗烈詩 未遥

翹心且積引領企踵朝夕不忘眷友思仁行  
 坐未捨既屬嚴風極冷苦霧添寒水堅漢地  
 之池雪積袁安之宅敬想足下棲神鶴駕眷  
 想龍門披玩之間願無捐德某種瓜賤士賣

餅貧生入爨竈以揚聲不逢蔡子駕鹽車而  
 頤迹罕遇孫陽徒懷叩角之心終想暴腮之  
 患既為久要聊吐短章紙 賦 顓頊御時玄冥  
 盡筆窮何能懇露梁昭明賦 統官淪重陽于  
 潜户兮嚴積陰于司寒堅冰涸于川底兮白  
 雪隕于雲端時凜烈其可悲兮氣蕭索以傷  
 心悽風愴其鳴條兮落葉翻而洒林獸藏立  
 而絕迹兮鳥攀木而妻音山振枯于層嶺兮  
 人懷慘于重襟陸士龍日躔女度歲華云  
 暮衡輕炭燥權重泉涸藏玄武于太陰蟄騰  
 蛇于高霧日臨圭而易落畧中棧而南徯凝  
 寒氣于廣庭洞層陰于端庫風發切而晚作  
 雲滄浪而晦景霰的礫于彤庭霏葳蕤于丹  
 屏韜罨思之飛棟沒屠蘇之高影始飄舞于  
 圓池終停華于 歌馬 古傳臘月二十四竈君  
 方井蕭子雲 朝天欲言事雲車風

留連家有杯盤豐典祀猪頭爛熟雙魚鮮豆  
炒甘鬆粉餌團男兒酌酒女兒起酌酒燒錢  
寵君喜婢子鬪爭君莫聞猶犬觸穢君莫真  
送君醉飽登天門杓長杓短勿復云乞取利  
市歸來分家家臘月二十五浙米如珠和  
豆煮大杓糠鑄分口數疫鬼聞香走無處鏤  
姜屑桂澆蔗糖滑甘無比勝黃梁全家團圍  
罷晚飯在遠行人亦留分祿中孩子強教嘗  
餘波徧霑獲與臧新元叶氣調玉燭天行已  
過來萬福物無疵癘年穀熟長向臘殘分豆  
粥歲朝爆竹傳自昔吳儂正用前五日食  
殘豆粥掃罷塵截筒五尺煨以薪節間汗流  
火力透徒僕取將仍疾走兒童却退避其鋒  
富堦擊地雷震吼一聲兩聲百鬼驚三聲四  
聲鬼巢傾十聲百聲神道寧八方上下皆和  
平却拾焦頭疊床底猶有餘威可驅癘屏除

藥裹添酒杯晝日娛游夜濃睡春前五日  
初更後排門燃火如晴晝大家薪乾勝豆蕪  
小家帶葉燒生柴青烟滿城天半白栖鳥驚  
啼飛格磔兒孫圍坐雞犬忙隣曲歡笑遙相  
望黃宮氣應纔兩月歲陰猶驕風栗烈將迎  
陽艷作好春正要火盆生煖熱質明奉祠  
今古同吳儂用昏蓋土風禮成席散夜未艾  
飲福之餘卽分歲地爐火煖蒼朮香飴盤果  
餌如蜂房就中脆餠專節物四坐齒頰鏘冰  
霜小兒但喜新年至頭角長成添意氣老翁  
把杯心茫然增年翻是減吾年荆釵勸酒仍  
祝願但願尊前且強健君看今歲舊交親大  
有人無此杯分老翁飲罷笑撚鬚明朝重來  
醉屠蘇除夕更闌人不睡厭襪鈍滯迎新  
歲小兒呼叫走長街云有癩獸召人買二物  
於人誰獨無就中吳儂仍有餘巷南巷北賣

不得相逢大笑相揶揄  
樂翁愧坐重簾下獨  
要買添令問價兒云翁買不須錢奉除痴狀  
千百年除夜將闌曉星燦糞掃堆頭打如  
願杖敲灰起飛樸離不嫌灰浣新節衣老媪  
當前再三祝只要我家糧富足輕舟作商重  
船歸大特引犢雞哺兒野蘭可縑麥兩岐短  
衲換着長衫衣當年婢子挽不住有耳猶能  
聞吾語但如我願不汝呼一任汝歸彭蠡湖  
**復范** **詩四言** 日躔星紀大呂司辰玄象改次  
底衆更新歲事告成八蜡報勤  
告成伊何年豐物阜豐裡孝祀介茲萬祐報  
勤伊何農功是歸穆穆我后務茲蒸黎宣力  
菑畝沾沐暴肌飲饗清祀四方來綏充仞郊  
甸鱗集京師交錯貿遷紛葩相追反袂成幕  
連袂成帷有肉如丘有酒如泉有敬如林有  
貨如山和氣來臻率土同歡祥風協順降祉

自天方隅清謐嘉祚日延  
與民優游享壽萬年 **裴秀** **五言** 冬氣戀亂箭  
殘燈和臘盡曉角帶春來 挑燈猶改歲  
聽角已新年 **皮日休** 歲熟鴉聲樂天寒雁  
影稀 **歐文忠** 畫樓初滿月香殿早迎春明  
朝元會日萬壽樂章陳 **杜審言** 除夜子星  
回天孫滿月杯歲炬常燃桂春盤預折梅 **沈**  
**佺期** 凝寒迫清祀有酒晏嘉平宿心何所  
道藉此慰中情 **魏收** 四時運灰瑄一夕變  
冬春送寒餘雪盡迎歲早梅新 **唐太宗** 暮  
景斜芳殿年華麗綺宮寒辭去冬雪暖帶入  
春風階馥舒梅素盤花捲燭紅共歡觴故歲  
迎送一宵中 歲陰窮暮紀獻節啓新芳冬  
盡今宵促年開明日長冰消出鏡水梅散入  
風香對此歡終宴傾壺待曙光 **復唐太宗**  
今歲今宵盡明年明日來寒隨一夜去春逐

五更回氣色空中改容顏暗裡催風光人不  
覺已入後園梅史育守歲阿戎家椒盤已  
頌花盞簪喧榭馬列炬散林鴉四十明朝過  
飛騰暮景斜誰能更拘束爛醉是生涯杜少

陵 旅館誰相問寒燈獨可親一年將盡夜  
萬里未歸人寥落悲前事支離笑此身愁顏  
與衰髮明日又逢春戴叔倫 我惜今朝促  
君愁玉漏頻豈知新歲酒猶作異鄉身雪向  
寅前凍花從子後春到明追此會俱是隔年

人韋莊 南北游萍跡年華又暗催殘燈和  
臘盡曉角帶春來鬢欲漸催雪心仍未肯灰  
金門舊知己誰為脫塵埃高蟾 画省開雲  
幔西堂對雪峯一年惟此會萬里幾相逢守  
歲親燈火朝天候鼓鏞江湖有岐路漂轉嘆  
萍踪何景明 人行猶可復歲行那可追已  
逐東流水赴海歸無時東隣酒初熟西舍甌

亦肥且為一日歡毋為窮年悲蘇東坡 寢  
迹衡門下邈與世相絕顧盼莫誰知荆扉晝  
常閉淒淒歲暮風翳翳經日雪傾耳無希聲  
在目睹已潔勁氣侵襟袖簞瓢謝屢設蕭索  
空宇中了無一可悅歷覽千載書時時見遺  
烈高操非所攀深得固窮節平津苟不由栖  
遲詎為拙寄意一言外

七言 金吾除夜進儺  
茲契誰能別陶淵明 名画袴朱衣四  
隊行院院燒燈如白日沉香火底坐吹笙王  
建 旅館寒燈夜不眠客心何事轉凄然故  
鄉今夜思千里霜髮明朝又一年高適 爆  
竹聲中一歲除春風送煖入屠蘇千門萬戶  
瞳瞳日總把新桃換舊符王介甫 緹室重  
飛玉琯灰物華全為斗杓回依依殘臘無情  
別歷歷新春滿眼來司馬溫公 臘日常年  
暖尚遙今年臘日凍全消侵陵雪色還萱草

羊芳譜

四歲譜

三

漏洩春光有柳條縱酒欲謀良夜醉還家初  
散紫宸朝口脂面藥承恩澤翠管銀罍下九  
霄 今朝臘月春意動雲安縣前江可憐一  
聲何處送書雁百丈誰家上瀨船未將梅蕊  
驚愁眼更取椒花媚遠天明光起草人所羨  
病廢幾時朝日邊 **俱杜少陵** 季冬除夜接  
新年帝子王孫捧御筵宮闕星河低拂樹殿  
前燈燭上薰天彈弦奏節梅風入對局探鈎  
柏酒傳欲向正元歌萬壽暫留歡賞寄春前  
**杜審言** 殘臘泛舟何處好最多吟興是瀟  
湘就船買得魚偏美踏雪沽來酒更香猿到  
夜深啼嶽麓雁知春過別衡陽與君剩採江  
山景裁取新詩入醉鄉 **和牧之** 臘雪初消上  
古臺柔郊向日綵旗開山橫南陌城中見春  
逐東風海上來老去每驚新歲換病多能使  
壯心摧自嗟空有東陽瘦覽物慚無八咏才

**歐陽修** 連冰累雪欺年暮除歲年豐放夜  
晴挂酒拖星猶凍色攢鐘催鼓逐春聲喧城  
車馬朝元客戰野旌旗禦寇兵人事物華應  
遂轉燭堂深坐獨含情 **李夢陽** 易却桃符  
拂却塵愁窮殘病總更新三彭漫守庚申夜  
萬事重迎戊午春狼籍杯盤聊復醉盡情燈  
火笑相親孫曾次第前稱壽慚愧承平白髮  
人 雲霞駘蕩曉光折手折梅花對酒歌暮  
齒不嫌來日短霜髭較似去年多東風漸屬  
青陽候流水微生綠玉波鳥弄新音晴晝永  
相看不飲奈春何 勞生九十漫隨緣老病  
支離幸自全百歲幾人登耄耄一身五世見  
曾玄祗將去日占來日誰謂增年是減年次  
第梅花開滿目可容愁酒到樽前 空庭草  
色映簾明短鬢春風細細生簷溜收聲殘雪  
盡窻光落几曉寒輕非賢寧畏蛇年至多難

欣占穀日晴詩思攪人眠不得詞臘月嚴凝

山禽屋角有新聲俱文衡山天地閉莫

嫌臺榭無花木惟有酒能欺雪意增豪氣直

教耳熱笙歌沸隴上雕鞍宜數騎獵圍半

合新霜裡霜重鼓聲寒不起千人指馬前一

雁寒空墜歐陽修漁家傲檢盡曆頭冬又

殘愛他風雪耐他寒拖條竹杖家家酒上個

藍輿處處山添老大轉痴頑謝天教我老

來閒道人還了鴛鴦債紙帳

梅花醉夢間朱希真鵲鵲天

○閏附月之餘日積分而成於月者也虞書曰

咨汝羲暨和朞三百六旬有六日以為一歲

之樞紐所以歸奇也左傳云先王之正時也

履端於始舉正於中歸餘於終履端於始序

則不愆舉正於中民則不惑歸餘於終事則

不悖曆法以十一月甲子朔夜半冬至為曆

元其時日月五星皆起于牽牛初度更無餘

分以此為步占之端故履端于始每月皆有

中氣惟閏月獨無中氣斗柄指兩辰之間閏

前之月則中氣在晦日閏後之月則中氣在

朔日舉中氣而正月則置閏不差故曰舉正

於中置閏之法以氣盈朔虛而歸日月之餘  
分周天三百六十五度四分度之一日之行  
也日一度自今年冬至至明年冬至方一周  
天實計三百六十五日零三時辰而一歲止  
有三百六十日更有五日零三時無所歸著  
是爲日行之餘分所謂氣盈也月行日十一  
度十九分度之七常以二十九日中強而與  
日合於朔是每月又有半日弱無所歸著是

爲月行之餘分所謂朔虛也積日月之餘分  
每歲常餘十一日弱故十九年而置七閏是  
爲一章之數故曰歸餘於終三閏而無氣七  
閏而無餘分

○置閏 欲知來歲閏先筭至之餘更看大小盡  
決定不差殊 如來年該置閏只以今  
歲冬至後餘日爲率如今年十一月二十二  
日冬至本月尚餘八日則來年當閏八月如  
係小盡則閏七月若冬至在上旬則以望日  
爲斷十二日足則復起一數若餘十三日則  
無閏

曝偶談

○物候 閏月之年桐增葉藕益節棕  
欄半葉黃楊厄寸鳳尾十三

○典故 炎帝分八節以始農功乃命羲和占日  
常儀占月甲區占星伶倫造律大撓造

甲子隸首造筭數容成綜斯六術考定氣象  
建五行察發欽起消息正閏餘 黃帝已酉

朔旦日南至而獲神策得寶鼎問鬼臾區對  
曰是謂得天之紀終而復始乃迎日推策造

十六神歷積邪分以置閏配甲子而設節于  
是時而神從 堯以閏月定四時成歲 **堯典**

春官太史閏月詔王居門終月又王在門  
謂之閏 **周禮** 文公三年閏月不告朔猶朝

于廟曷為不告朔天無是月也 **公羊** 古曆  
法以章節紀元為宗十九歲為一章至朔日

同四章為節至朔同在甲子日二十節為紀  
至朔同在甲子時三紀為元至朔年月日時

皆值甲子謂之曆元日月如合璧五星如貫  
珠 **月令廣義** 太初曆以四千六百一十七

歲為一元以八十一為分歲已盡都無絲毫  
之餘重新起曆是時定十一月甲子朔旦夜

半冬至日月如合璧五星如連珠乃新曆之  
第一日故謂之曆元漢元封七年始當其時

故改秦曆用漢曆改秦正用夏正 李盛作  
安南守夢人擲玉于門盛曰門內玉閏字也

必有榮潤暴富貴 晉伐鄭十二月癸亥門  
其三門閏月戊寅濟於陰阪杜預曰此年無

閏月戊寅是十二月二十日疑閏為門字玉  
為五字月為日字晉攻鄭三門門各五日自

癸亥至戊寅凡十五日也 **左傳詩釋** 秦用  
顓帝曆十月為歲首遇閏即謂之後九月今

真臘國置閏亦用九月其月盡大  
小皆與中國不同蓋尚祖此說



麗藻散語

歸奇於劫以象閏

易

閏月附月

○**傳** 閏以正時時以作事以序生民之道於是乎在矣

**左文錄**

五年再閏天道乃

備天地之靈猶五載而成其化况人道乎

**浮傳** 曆數以閏正天地之中以作事厚生

皆所以定命

也**後律曆志** 歌行 年重華月重輝七十二候

今歲何長來歲遲王母移桃獻天子羲氏和

氏迂龍轡**李賀** 成閏暑與寒春秋補小月

念子無時閑折楊柳陰

陽推我去却得有定主

**詩五言**

山帶新晴雨溪添閏月花

**戎昱** 羲和騁丹衛朱明赫其猛融風拂晨

宵陽精一和問閑語靜無娛端坐愁日永

**郭璞** 春色閏冬後元宵驚蟄邊軟塵欺日散

繁火奪星懸車馬中原地笙歌全盛年無勞

卜花晝難測是皇天

**李益同**

幙幙復蒼蒼

微和傍早陽惜寒春已盡待閏月猶長柳變

非因雨花遲豈為霜自茲延聖曆誰不駐年

光**方平** 閏節開重九貞游下大千花寒仍

荐菊座晚更披蓮剎鳳迴雕輦旛紅間

彩旃還將西苑曲助入南薰絃

斗柄未迴猶帶閏

**元稹**

只有黃楊厄閏年

**東坡** 桂影中秋特地妍况今餘閏魄澄鮮

因懷勝賞初經月免使詩人嘆隔年萬象歛

光增浩蕩四溟收夜助嬋娟織雲清廓心田

豫乘興能無賦

**詞**

銀蟾光彩喜稔歲閏正元

詠篇**趙大臣** 宵還再樂事難并佳時罕

遇依舊試燈何碍花市又移星漢蓮炬重仿

銀海盡勾引徧嬉游寶馬香車喧隘

天意教人月更圓償足風流債媚柳烟濃天

桃紅小景物迥然堪愛巷陌笑聲不斷襟袖

餘香仍在待歸也便相期明日踏青挑菜

**吳子和喜遷鶯**

二如亭群芳譜歲部卷之四

終



